

32. gr.

Um álagning bæjargjalda, gjalddaga og ábyrgð á greiðslu þeirra fer að lögum. Ef bæjargjöld eru ekki greidd á gjalddaga ber að innheimta þau svo fljótt, sem kostur er á og með lögtaki, ef á þarf að halda.

17

23. febr.

33. gr.

Til þess að gera breytingar á samþykkt þessari þarf umræður á tveimur fundum bærstjórnar, samþykki meiri hluta atkvæða og staðfestingu félagsmálaráðuneytisins.

Samþykkt þessi, sem bærstjórn Akraneskaupstaðar hefur samið og samþykkt, staðfestist hér með samkvæmt lögum nr. 45 27. júní 1941, er hér með staðfest til að öðlast gildi þegar í stað.

Jafnframt er úr gildi numin samþykkt um stjórn bæjarmálefna í Akraneskaupstað frá 6. nóvember 1943.

Félagsmálaráðuneytið, 23. febrúar 1956.

F. h. r.

Hjálmar Vilhjálmsson.

Hallgrímur Dalberg.

FUNDARSKÖP

18

28. febr.

fyrir bærstjórn Akraneskaupstaðar.

1. gr.

Bærstjórn Akraness er skipuð 9 kjörnum bærjarfulltrúum. Þeir ræða og gera ályktanir um bæjarmálefni á bærstjórnarfundum. Fundarmenn tekur í fundarsköpum þessum til bærjarfulltrúa og bærstjóra.

2. gr.

Ár hvert í febrúarmánuði kýs bærstjórn forseta sinn og varaforseta úr flokki bærjarfulltrúa. Sá er rétt kjörinn forseti, sem fær meiri hluta atkvæða bærjarfulltrúa, sem á fundi eru. Nú fær enginn svo mörg atkvæði, og skal þá kjósa að nýju óbundinni kosningu. Ef enginn fær þá næga atkvæðatölu, skal kjósa um þá tvo er flest fengu atkvæði, og ef tveir eða fleiri, sem um skyldi kjósa, hafa fengið jafnmörg atkvæði, þá skal varpa hlutkesti um það, um hverja tvo skuli kjósa. Ef enn fær hvorugur þeirra meiri hluta, þá skal sá vera forseti er fleiri atkvæði fær. En ef þeir fá jafnmörg atkvæði, ræður hlutkesti hvor skuli vera forseti. Með sama hætti skal kjósa varaforseta. Hann skal gegna forsetastörfum, ef forseti forfallast eða missir við með öllu, unz kosinn er nýr forseti.

3. gr.

Á sama fundi, sem forsetakosning fer fram, kýs bærstjórn sér ritara og vararitara til eins árs í senn. Ritara skal kjósa hlutfallskosningu.

4. gr.

Forseti stjórnar fundum bærstjórnar. Hann sér um að allt fari reglulega og skipulega fram og eru bærjarfulltrúar og bærstjóri skyldir að hlýða úrskurðum hans um allt er varðar fundarsköp. En skjóta má úrskurði hans undir úrlausn bærstjórnar, ef vafi leikur á um skilning fundarskapa.

18

28. febr.

5. gr.
Ritari skal telja saman atkvæði, þegar atkvæðagreiðslur fara fram. Hann skal og bóka það, sem á fundum gerist, í gerðabók bæjarstjórnar, með eftirliti forseta. Í byrjun næsta fundar á eftir skal lesa upp síðustu fundargerð og hún borin undir atkvæði. Forseti og ritari skrifa undir fundargerðir. Fundarmenn eiga heimtingu á því, að bókaðar verði athugasemdir þeirra í gerðabók, ef þeim þykir þar eitthvað rangt bókað eða ónákvæmt, svo og stuttlega um ágreiningsatkvæði sín.

6. gr.

Nefndir til þess að starfa að einstökum málum, hvort sem þær eru fastanefndir eða lausanefndir, skal kjósa hlutbundinni kosningu eftir aðferð þeirri, sem kennd er við de Hondt. Sérhver bæjarfulltrúi er skyldur að taka sæti í hverri nefnd, sem hann er löglega kosinn í. Sá, sem fyrstur er kosinn á lista, kallar nefnd saman fyrsta sinni og lætur kjósa formann, en hann lætur því næst kjósa skrifara. Um leið og nefnd lýkur störfum getur hún, eða ef hún er klofin hvor eða hver hluti hennar, kosið sér framsögumann.

7. gr.

Reglulega fundi heldur bæjarstjórn fyrsta miðvikudag hvers mánaðar kl. 17, ef mál eru fyrir hendi, og stendur fundur svo lengi sem þörf gerist, þó ekki lengur en til miðnættis. Bæjarstjórnin getur þó ákveðið að fella niður fundi í júlí og ágúst mánuðum. Ef fundur ferst fyrir vegna helgi eða af öðrum orsökum, skal hann halda einhvern næstu virka daga.

Aukafundi skal halda þegar bæjarstjórn eða ef 3 af bæjarfulltrúum æskja þess. Bæjarstjóri ákveður stað og stund til aukafundahalds.

8. gr.

Bæjarstjóri semur dagskrá handa bæjarstjórnarfundum. Hvert það bæjarmál, er nefnd eða bæjarfulltrúi krefst, að tekið sé á dagskrá, er skylt að taka á hana. Þó má bæjarstjóri ekki taka á dagskrá nokkurt málefni til meðferðar á reglulegum fundi bæjarstjórnar, nema það sé komið til hans þremur nóttum fyrir fund. Í síðasta lagi kl. 16 tveimur dögum fyrir fund, skal hann hafa sent öllum fulltrúum dagskrá, þar sem til sé tekin þau mál, sem koma skulu til umræðu. Ef leggja skal fram fundargerð nefndar, þá skal eftirrit fundargerðar fylgja dagskránni. Önnur mál en þau, sem á dagskrá standa, mega ekki koma til umræðu á fundum bæjarstjórnar, nema með samþykki fundarins. Dagskrá bæjarstjórnarfunda skal festa upp í fundarhúsi bæjarstjórnar áður en fundur er haldinn. Mál skulu afgreidd í þeirri röð, sem í dagskrá segir, nema meiri hluti bæjarfulltrúa óski röð breytt.

9. gr.

Bæjarstjóri á samkvæmt embættisstöðu sinni sæti á fundum bæjarstjórnar og má taka þar til máls svo oft sem hann vill, en gæta skal hann fundarskapa. Ekki á bæjarstjóri atkvæðisrétt, nema hann sé jafnframt bæjarfulltrúi.

10. gr.

Bæjarstjórnin afgreiðir mál með einni umræðu, nema hún ákveði öðruvísi um einstök mál, eða tillaga feli í sér heimild eða skipun um fjárgreiðslu úr bæjar-sjóði eða hafnarsjóði. Skal þá hafa tvær umræður.

11. gr.

Sérhver fundarmaður getur borið upp breytingartillögu og viðaukatillögu við hvert það málefni, sem til umræðu er. Skulu slíkar tillögur vera skriflegar, en veita

skal forseti fundarmönnum ráðrúm til þess að semja þær. Forseti sker úr því, **18**
hvernig atkvæðagreiðslu um tillögu skal haga. 28. febr.

12. gr.

Bæjarstjórnarfundi skal halda í heyranda hljóði. Ef áheyrendur eru ekki kyrrir og hljóðir eða trufla fund með nokkrum hætti, þá getur forseti vísað þeim út og ef þörf gerist látið ryðja áheyrendasalinn.

Skylt er þó að ræða mál fyrir luktum dyrum, ef það varðar einkalíf manna. Þó getur fundarmaður krafizt þess, að mál verði rætt fyrir luktum dyrum, og sker bæjarstjórn úr því umræðulaust með meiri hluta atkvæða, hvort mál skuli rætt opinberlega eða fyrir luktum dyrum. Enginn má skýra frá umræðum í málum, sem rædd eru fyrir luktum dyrum.

13. gr.

Ekki getur bæjarstjórn gert ályktun um mál, nema meira en helmingur bæjarfulltrúa sé á fundi og greiði atkvæði. Afl atkvæða ræður úrslitum mála. Ef atkvæði eru jafnmörg með tillögu og móti, telst hún fallin, nema um nefndarkosningu sé að ræða, þá ræður hlutkesti. Um kosningu bæjarstjóra og í stöður þær, er bæjarstjórn veitir, fer sem um kosningu forseta bæjarstjórnar. Mál má afgreiða með því að samþykkja það eða fella, með því að víkja því frá með rökstuddri dagskrá, eða með því að fresta því.

14. gr.

Fundarmaður, sem taka vill til máls, skal snúa sér til forseta. Leyfir hann mönnum venjulega að taka til máls í þeirri röð, er þeir hafa kvatt sér hljóðs. Þó má hann breyta út af því um bæjarstjóra og framsögumann, svo og til þess að ræður skiptist jafnt með og móti málefni, eða til þess að bæjarfulltrúi geti gert stutta leiðrétting eða athugasemd, er varðar sjálfan hann. Ef tveir eða fleiri kveðja sér samtímis hljóðs, þá ræður forseti í hvaða röð þeir tala.

15. gr.

Flutningsmaður máls eða framsögumaður mega tala þrisvar við hverja umræðu máls, en aðrir bæjarfulltrúar tvisvar. Þó má maður oftara taka til máls til þess að bera af sér ámæli, gera stutta fyrirspurn, athugasemd um atkvæðagreiðslu eða gæzlu fundarskapa. Ræðumaður skal standa við sæti sitt meðan hann flytur ræðu sína.

16. gr.

Ræðumaður skal beina máli sínu til forseta eða fundarins. Eigi má hann lesa upp prentað mál, nema forseti leyfi. Skylt er fundarmönnum að lúta valdi forseta í hvívetna, er gæzlu góðrar reglu varðar. Ef fundarmaður ber aðra menn brigzlyrðum, eða víkur verulega frá umtalsefninu, þá skal forseti víta hann fyrir það, og nefna þau ummæli, er hann vítir. Nú er fundarmaður vittur tvisvar á sama fundi, og má forseti þá svipta hann málfrelsi á þeim fundi. Ef fundarmaður hlýðnast ekki úrskurði forseta eða ef almenn óregla kemur upp á fundi, skal forseti fresta fundi um stundarsakir, eða slíta fundi alveg, ef honum þykir nauðsyn til bera.

17. gr.

Ef umræður dragast úr hófi fram, getur fundarmaður stungið upp á því, að þeim sé hætt, og sker fundur þegar í stað úr því umræðulaust. Skal þá jafnan ákveðið hvort þeim skuli leyft að tala, er kvatt höfðu sér hljóðs áður en tillaga um að slíta umræðum kom fram.

18

28. febr.

Atkvæðagreiðsla fer þannig fram, að fulltrúarnir rétta upp hönd sína. Nafnakall skal þó hafa ef 3 fulltrúar hið fæsta krefjast þess og ef forseti virðist ekki mega glöggjt ráða af atkvæðagreiðslu um málsúrslit. Við nafnakall greiða bæjarfulltrúar atkvæði eftir tölusettri nafnaskrá í stafrófsröð, og skal hlutkesti ráð í hvert sinn á hverjum skuli byrja. Bæjarfulltrúa er skylt að greiða atkvæði við nafnakall, nema hann leiði rök að undanfærslu sinni, er forseti tekur gilda, enda er bæjarfulltrúa rétt að skjóta úrskurði forseta til fundarins, sem sker þá umræðulaust úr því máli.

19. gr.

Bregða má af fundarsköpum þessum, eftir uppástungu forseta, bæjarstjóra eða tveggja bæjarfulltrúa, enda samþykki að minnsta kosti $\frac{2}{3}$ — tveir þriðju — þeirra bæjarfulltrúa, sem á fundi eru.

20. gr.

Til breytinga á fundarsköpum þessum þarf umræður á tveimur bæjarstjórnarfundum, meiri hluta greiddra atkvæða og staðfesting ráðherra.

Fundarsköp þessi, sem bæjarstjórn Akraneskaupstaðar hefur samið og samþykkt, staðfestast hér með samkvæmt lögum nr. 45 27. júní 1941, til þess að öðlast gildi þegar í stað, og birtast til eftirbreytni öllum þeim, sem hlut eiga að máli.

Félagsmálaráðuneytið, 28. febrúar 1956.

F. h. r.

Hjálmar Vilhjálmsson.

Hallgrímur Dalberg.

19

29. febr.

REGLUGERÐ

um breyting á reglugerð nr. 11 18. jan. 1947, um innheimtu iðgjalda o. fl., samkvæmt lögum nr. 50 1946 um almannatryggingar.

Ákvæði til bráðabirgða við reglugerðina orðist svo:

Árið 1956 skulu iðgjöld samkvæmt 107. og 112. gr. tryggingalaga nr. 50 1946, sbr. 27., 28. og 29. gr. laga nr. 116/1954, sbr. 1. gr. laga nr. 95/1955, vera sem hér segir:

1. Iðgjöld hinna tryggðu samkvæmt 107. gr. laga nr. 50 1946:

a. Kvæntir karlar:

Á 1. verðlagssvæði	kr. 859.00
Á 2. —	— 689.00

b. Ókvæntir karlar:

Á 1. verðlagssvæði	kr. 774.00
Á 2. —	— 623.00

c. Ógiftar konur:

Á 1. verðlagssvæði	kr. 576.00
Á 2. —	— 463.00